



郊居詩抄敘



昌子廷佐既免郡歸

藥舍

東郊

掃軌謝賓客日從事古今文詞

暇乃輯莆中諸家詩命之曰莆

詩抄出以縣方子均敬鄭

元黃子亨六均敬氏首詰之

夫詩含六義備四時通五氣

八風雅奏則雲迴登歌則激舞

今輯者有是乎昌子曰夫荏菽

麻麥不必精鑿均之果腹黛綠

青紫不必黃朱均之娛目擊甕

叩瓶彈箏搏髀不必昭虞武象

均之傾耳是輯也正變雜陳瑕  
瑜相傳一國之風也彼王者籍  
者在辨之矣鄭士元曰夫古之  
采詩肇自二南窮于殷武朝廷  
郊廟至夫里巷閭閻洪纖曲直  
靡不兼容今輯者有是乎昌子

郊居詩抄

前序

曰夫珠璣翡翠產于南海弋人  
蠶子採而薦之尚方採者連軛  
產者滋益是輯也弋之虞羅蠶  
之鈎喙也豈能肆有制之力發  
無盡之藏哉黃亨夫曰始子之  
輯是也將藉之以雄長我也今

輯者我其雄長乎昌子曰昔楚  
人不假道于宋華元疾其鄙我  
今東南談藝之士謂我閩人短  
於備古其不假我也亦以甚矣  
我其何人不踊躍于中野且夫  
周有天下玉帛九州彼其時寧

有南服哉黃池之會吳晉爭強  
及越殲吳東向稱霸嗟乎事未  
可易於由言者假令藍萋之區  
有勇力之士一朝手短劍登壇  
壘劫諸國下之吾安知不為從  
長乎昌子與三子辯詰已屬黃

子曰服必有弁絰必有經是輯也子其經之弁之黃子受成曰夫決戰爭長莫利於馬昔人有慕天馬者遍殖苜蓿于宮觀今天馬種種矣子其廣牧以需之其母曰無留良

郊居詩抄

前序

四

萬曆戊寅仲夏萬玉山人黃謙  
亨夫氏撰



郊居詩抄莆中諸家名氏

千古

林士敏

名世懋字士敏南寧府知府左遷鎮

方時舉

名璞字時舉興化府學訓導

黃約仲

名守字約仲翰林院檢討

劉性存

南海知縣

陳觀

廷賓陝西叅政

林環

崇璧翰林院侍講

郊居詩抄

各氏

乙

黃思永

福安教諭

林珪

崇信泉州府學訓導贈冀州知州

林長懋

景時右春坊右中允出為鬱林州知

林文

恒簡太常寺少卿兼翰林院侍讀學士贈禮部左侍郎

方熙

孟明潮州府通判前翰林院庶吉士

周瑩

次玉撫州府知府

柯潛

孟時詹事府少詹事兼翰林院學士

讀卷

鄭紀 廷綱戶部尚書前翰林院檢討

周瑛 梁石四川右布政使累階資德大夫正治上卿

彭韶 鳳儀刑部尚書贈太子少保謚惠安

陳鉞 廷威瑞州府學教授

魏時敏 桃源縣丞

黃榮 儼仁浙江僉事

吳昭 守愚廣西副使

郊居詩抄

名氏

二

林俊 待用刑部尚書太子太保贈少保謚貞肅

鄭瑗 仲璧南京禮部郎中

林夔 元佐戶部員外郎

陳伯獻 惇賢廣西提學副使

黃相 弼甫九江府知府

鄭岳 汝華兵部左侍郎

林有年 以永貴州副使

吳希由 約仲四川副使

林茂達 孚可大理寺卿年八十九  
賜存問

黃鞏 伯固南京大理寺寺丞贈少卿

周宣 彦通廣東左布政使前提學御史提  
學副使 誥贈正奉大夫

余瓚 君錫太僕寺卿前工科都給事中

葉珩 鳴王貴州左布政使

林文俊 汝英南京吏部左侍郎贈禮部尚書  
謚文脩

郊居詩抄

名氏

三一

鄭懋德 成昭臨江府知府

鄭光琬 世潤山東副使

馬明衡 子莘監察御史

林大輅 以乘都察院右副都御史

鄭一鵬 九萬吏科左給事中贈光祿寺少卿

林遷喬 遷于刑部員外郎

柯維熊 奇徵工部郎中

朱澗

必東監察御史

柯維騏

奇純南京戶部主事

陳箎

和韶尚寶司卿

王鳳靈

應時廣西叅政

陳大珊

若寶廣東副使

康大和

原中南京工部尚書前翰林院學士  
累階資德大夫正治上卿

林雲同

汝兩南京刑部尚書前翰林院庶吉  
士贈太子少保謚端簡

郊居詩抄

人名氏

四

黃廷用

汝行工部右侍郎前司經局洗馬

余一鵬

朝舉廣西僉事

方重耿

思直舉人

李長盛

宗裕沔陽知州

歐志學

須靜湖陽知縣

周鯤

少魚江西副使

李日新

宗銘臨高縣知縣

黃洪毗 協恭江西副使前提學御史

陳言 宜昌南京刑部郎中進階朝列大夫  
賜祭葬

陳所有 彥冲合浦知縣

黃希白 如白韶州府同知

林應采 君白南寧府同知

陳自然 明本四會知縣

方攸躋 均敬南京戶部員外郎

郊居詩抄 名氏 五

林萬潮 養晦贛州府推官

鄭鏊 亦鼎南京戶部員外郎

林文豪 君駿 榮王府教授

丘秉文 鳴周光祿寺寺丞

林敦復 嗣翁都勻府知府

徐觀瀾 道本南京戶部郎中

方興邦 懋藩廣西叅議

鄭東白 叔曉廣東僉事

郭應聘 君賓戶部右侍郎前都察院右副都御史

黃謙 亨夫刑科右給事中

林誼 邦直贛榆知縣

方萬有 如初工科給事中前翰林院庶吉士

陳應魁 孚元浙江副使

翁夢鯉 希登廣東僉事

郊居詩抄

名氏

六

昌應時 廷佐雲南臨安府知府

戴科 朝賓廣州府知府

陳志 思尚都察院右僉都御史

蕭竒勳 懋建南京戶部員外郎

鄭茂 士元河南按察使前戶科都給事中

林民止 敬夫歸善知縣

方沈 子及南京戶部郎中

葉九金

廷相江西僉事

余翔

宗漢全椒知縣

姚文煒

在質新寧知縣

黃默

希冉庠生

封南京豹韜衛經歷

林諧

邦介太學生

馬朝龍

從甫庠生

右自洪武癸酉至萬曆戊寅凡八十

郊居詩抄

名氏

七

九人俱縉紳及儒生

郭維真

名完字維真

方用晦

名炯字用晦

陳耕之

方坦

履道

張元紳

陳汝瀾

宗本

陳言 于庭

方道南 文獻

黃天全 全之

鄭應南 君傳

卓中立 居方

陳昂 爾瞻

方元浩 景孟

郊居詩抄

名氏

游日益 宗謙

方元淇 景武

林兆誥 懋揚

右自洪武庚戌至萬曆戊寅凡二十

六人俱山人

郊居詩抄目錄

八律圖

第一卷

書朝經

五言古詩六十七首

第二卷

七言古詩四十八首

第三卷

五言律詩二百三十首

第四卷

五言排律三十六首

郊居詩抄

八目錄

第五卷

七言律詩七十三首

第六卷

七言律詩一百六十四首

第七卷

七言排律七首

第八卷

四言詩三首

五言絕句五十四首

六言絕句一十六首

七言絕句一百四十五首

郊居詩抄

目錄

二

郊居詩抄卷之一

莆田鳳岡昌應詩編輯

醒亭林文豪校正

五言古詩

感寓

方時舉

蕭蕭北風涼  
槭槭木葉下  
獨客耿無寐  
披衣坐長夜  
飢鳥鳴喬林  
闐鼠穴虛瓦  
而我胡不歸  
飄颻在中野  
昔別暑載途  
霜露忽飛洒  
豈不懷故居  
四郊尚戎馬  
世無傅介子  
冠蓋混夷夏  
匪忘濟時志  
鬱鬱不得寫  
棄置勿復言  
吞聲淚如瀉

郊居詩抄

卷之一

乙

方士志耕隱

郭維真

雨衣製青荷  
雨笠編新籜  
斯人沮溺流  
日晏猶耕作  
今年擬有秋  
烹羊祭先穡  
招我食力徒  
斗酒聊取樂  
酣歌擊瓦盆  
昨晚牛生犢

真率會

劉性存

炎靈運玄化  
衣冠集芳辰  
皤皤斯達尊  
濟濟凡七人  
琴瑟旣在御  
豆登亦復陳  
旨酒式燕樂  
大羹薄肥珍  
登歌間行葦  
稱觴壽千春  
德將諒無醉  
旣醉

不失真陶然宇宙間  
鴟菌焉足論光風泛蘭蕙  
好鳥鳴及晨江漢日云遠  
道義日益親覽圖百載下  
安得風再淳願言繼遺響  
遙睇洛水濱

金臺七夕陪曾侍講子啓彭脩撰汝器諸  
公宴集分韻得斗字

林珪

池館迎早秋蕭條宿雨後涼聲落高梧灑氣淡踈  
柳雲歛河漢清迢迢望牛斗離思不可攄况茲感  
物候幸接心所懽惜無樽中酒於焉寫幽素我琴  
時再奏杳杳煙際鴻沉沉禁中漏零零遂盈襟坐  
來亦已久裴徊未成寐殘月在西牖

冬日遊覽

方熙

咸陽城東門風景光奪目遠嶂開青蓮原田蒲阡  
陸耶鄆屬清渭驛路通函谷百貨集舟車曠野多  
樵牧康莊平若砥車馬相馳逐金轡遊俠兒華簪  
皆世祿何事茂陵人臥病衡門宿

古洞閒雲

林長楸

崖傾人跡少谷轉蘿薜深古洞俯林藪白雲生夕

陰起伏變萬態出岫寧有心其間棲遜者相與忘  
升沉采芳侶馴鹿跣趺對鳴禽何當馭格澤日夕  
同招尋

送編脩黃仲昭赴湘潭知縣 柯潛

朝上金鑿坡暮陳忠悃詞感茲恩寵蕃報德安可  
遲

聖明擬姚姒直道詎肯遺重念湖湘民連歲遭困  
飢遂今禁中士去去蘇癯疲天寒歲華晚膏車向  
南馳淒風起遙漢積雪明層俾去就奚足論所貴  
心不移勗哉保終節庶以慰我思

郊居詩抄

卷之一

三

送謝文祥御史謫南陵丞 彭韶

零露一以墜原野生微涼金風轉蕭索四壁迎虫  
蟄夜長不能寐攬衣起徬徨仰視天宇濶素月揚  
輝光奄忽浮雲馳肅肅鴈南翔一啄諒易謀豈不  
足稻梁窮海纍臣書藉爾遠見將羽毛尚摧落愴  
惻未能忘云胡抱孤影悠悠岐路長願言隨陽歸  
以慰朝夕望

感興 二首

周瑛

提瓶去汲井爲君解宿醒不覺綆中斷瓶墜不能  
升君恩手中綆妾身井底瓶相望不相卽此心誰  
能明

持刀斫月明明何曾斷縛帚掃樹影樹影依前  
滿人皆惡樹影礙此月明多樹根苟不拔其如月  
明何

和蘇子卿寄守溪元老

林俊

役役歲云暮俛仰時徘徊長鴻何冥冥失侶難因  
依和鳴豈不念知音良獨乖撫樹動遙感秋至無  
好懷繁華變蕭索時過寧不悲野陰日西夕寒蛩  
送餘哀不見盛年好祇見容貌摧試問東逝流到  
海何時歸洞庭今夜月一觴爲誰揮願附雙雲翼  
吳山來去飛

懷喬白巖太宰

憶別始再聚竟歲還分離悠悠太行下望望閩海  
涯南北一萬里音耗那得知商飈轉林薄故葉餘  
空枝索居亦云遠貯結良未緩雲晴涼自閒去鴈  
應時返西窓幾叢竹月色共誰晚相思復相思腸

盤未能飯

山水圖爲山齋題

林居有奇勝，聯馬經溪橋。歌曲豈不念，猿鳥時見招。  
青松夾路徑，谷口歸雲樵。田澆水泉縮，屋古風蕭蕭。  
群峰翳寒日，秋氣橫參寥。霜鍾僧寺近，僻情無紛囂。  
解衣作小憇，香茗談前朝。

兵書峽

在歸州  
薺溪口

巫峽山西來，昂伏知幾變。扶輿轉磅礴，渾沌開生面。  
中擘行懸流，晴碧天一線。石根浪紋摺，龕竇相

郊居詩抄

卷之一

五

貫穿最高壁，斗間衣摺橫。素練參差綴，紅雪黃雲覆。  
葱蒨其顛翳，叢木深窈兀。古殿三竅連，欽崱殘簡隱。  
約見世傳此，兵書異人之所撰。太始留至今，文字磨滅半。  
坤靈護取將，赤日下雷電。吾聞蜀漢地，吳魏經百戰。  
趙宋亦後服，俘囚始郡縣。

皇明取明昇，旋凱不遺箭。急峽掌爲平安流，歌禹甸。  
祗今薺溪航，上下日百遍。誰悲蜀道難，煙景有餘戀。  
理極亂恒倚，黃巾焰微煽。飛書數

上聞宵旰重，西眷素翁久收局。

詔起填行院兵寄老一身支撐出門倦仗劍追昔  
遊征衫淚爲濺辭家日千里許國心一片瀕春雨  
綿密遡峽風良便願言掃妖氛黃石授終卷

大風述五十韻

弘治壬戌秋七月初三日高呼齊百官

孝陵祀甫畢黑風東北來勢怒聲甚疾惡雨亦尋  
至寸途昏抹漆顛倒不自持僕夫迺相失狼狽扶  
至家搖喊聞我室鞭笞走雷霆百恠紛咤叱漫空  
瓦石飛偃樹蓬麻密屋卷是處茅門飄懸時華同  
時地亦震江濤怒翻溢次第舟破沉居人死如蝨  
老夫心膽寒魂去增股栗隙穴底逃藏鴟蹲肩縮  
慄抱頭語妻子脫計從何出舉家婦僕啼百苦難  
具述嗣聞

皇陵風於此差甲乙

聖人謹天戒成憲躬祗適叶氣符嘉生泰和董堪  
必畱都地根本是日辰元吉災沴宜有因神理當  
致詰文武無具倦飽廩徒自佚動闕出綺穀提兵  
絕紀律詞臣弄文字致主荒儒術宦戚莫誰何弊

紛不可櫛元宰移藻衡內降行規暉司徒襲箕會  
誅求盡纖悉司空任土木宮觀輕萬鎰司馬略簡  
教武備弛六七胡騎乘我虛苗蠹工未窒理官窮  
深文平反幾陰隲鉗鑕百毒具冤苦奚顧恤宗伯  
縱非鬼交神乖寅秩東醮與西齋民瘼靡周軀大  
官敝供輸瘠犢攢千蛭歲額外取辦逋責書盈帙  
臺諫風望頹孤蹇違承弼鼠技驚五窮兔狡穴三  
窟國學硤璞溷虎皮居羊質末俗競淫靡奢詡動  
相率干紀輕毫毛微軀寄斧鑕召致誰則尤乖舛  
郊居詩抄 卷之一 七

臣第一丘山罪戾浮魄褫顛雙膝良非策免例自

劾其首黜

吾皇緬法

祖弭災重以實虛已開延英屏障申無逸深資共  
濟舟細理不調瑟厲精攬乾綱三五平超軼妖祥  
一及掌德聲前置驛物阜風清夷政和民寧壹載  
歌雲漢篇今古光麟筆

送徐叅政

幽絃久不調繁響散疏越茲晨抱就君蘭生水初

發橫膝弄孤操松枝掛曉月瀕村風雨初芳意重  
消歇逃虛出戶懶勝賞心恒闕報章修何來岐路  
經此別日出動征輶太守殘星滅

寓意

鄭瑗

我有徑尺璧蘊質自崑岡拂拭見光彩皎潔如截  
肪玉人試礪錯製爲琚與璜珍愛不忍佩什襲藏  
諸筐携之宦南北道路阻且長筐中忽悲鳴啓視  
化爲益俵俵獨不見鬱鬱意難忘

送周子明之楚

余瓚

郊居詩抄

卷之二

八

六月出金臺長林藹香霧東風吹柳絲江頭浴鷗  
鷺八龍駕輶軒高蓋披湛露孤心魏闕前一麾長  
沙路冠蓋聚都門聯絡生豔慕結交二十秋何以  
愜情憐市虎寧當途林鶴懸待哺歲晏勵青霜周  
行擢高步落日忍分岐日送征鴻度

訪黃伯固讀封事稿作

二首

林大略

黃憲自閩來鬢髮已非昨問之有遠思微言涕俱  
落天王十四年化日淹行樂雪帳遊鸞輿凱歌震  
沙漠十日職方郎封章意連絡

聖明能容言苦口得良藥微臣思致身候命其烹  
鑊開罪江海深包荒天地廓皇皇走百寮愧矣乘  
軒鶴

瑤池穆王遊遼海隋煬拓昔者圻父詩周道猶能  
擴郭生奚其忠諫書直而約嗟嗟漢武才開邊有  
衛霍輪臺詔雖遲萬象恢皇略古事可長思哲人  
感龍蟄紫霞大明宮黃子志寥廓高如飛溟鵬清  
如橫霄鷄狂夫慨同袍驚心重然諾思君多苦辛  
允情莫能度

郊居詩抄

卷之一

九

哭何孟循

孟循不攜家鄉人之交亦鮮欵  
杖廷杖肌血竟焉五日乃死予

適在昏曠哭之旋忘之今逾歲矣追思  
昔痛乃復哭焉何時得灑淚宿草也因

寄同患黃伯固

蔣子雲諸君子

哭君已逾年思君復茲夕病骨獨支離楮衣今在  
席昔者違封章顛沛無長策君志欲批鱗兩僕涕  
無釋百杖裂肝腸天威莫能測五日強在牀驚魂  
已離魄誼聞傳都門臨死猶易簣南歸旅襯孤辛  
酸隨所歷兒幼哭更揚嚴翁守空宅嗟嗟哭君時

風塵暗南陌歲月生死殊我媿遠行客楚江流水

長舟航隔潮汐容顏香交期掛劍悵今昔

寒宵步月

四首

朱泚

明月不可負寒宵亦可憐暮夜無招尋獨行芳澗  
邊月色在我背月影在我前踏月弄孤影心賞方  
悠然

閒愛清宵長老畏白日速羲和無停鞭光陰雙轉  
轂餘生知幾何撫景胡不樂蝸涎聊自濡人心苦  
不足良宵成獨遊皓月當秉燭

鷄犬無一喧暝色四郊靜東峰青松枝高掛白玉

郊居詩抄

卷之一

十一

鏡仰觀天無河屋角橫斗柄寂寥靡所懼清虛愜  
情性商頌有遺音琅然發孤詠

攀折河邊柳還渡柳邊橋短髮不堪把月明影蕭  
蕭窮居遠城市殘生付漁樵翹首望八荒天宇高  
寥寥狂歌自成章聊以娛今宵

歸途舟中卽事

馬明衡

撥櫂附流水水流心亦閒雖爲毒執侵頗有清幽  
歡新篁鳴佳禽白雲綴青山程途自不逼職事非  
所關日來坐高床讀書且加餐骨輕已便體意散

無愁顏人間有神仙何用服金丹

將命荆襄道中書懷

鄭一鵬

漢江在何許我馬去何遲豈不事鞭策徘徊有所  
思辭親遠行役歲晏屢差池兒幼今已壯親顏得  
不移憑高恣遠眺仰睇白雲馳白雲散還合遊子  
歸何時安得凌風翻遠慰倚門期

題房雲捧旭亭

東有子房山兼取  
羽翼之義在徐州

王鳳靈

漢祖屈群謀子房最深妙功成赤漢出還向青山

郊居詩抄

卷之一

十一

嘯震器置高危居商岩撇調山中走尺書四海開  
離照當年羽翼功想見雲霞繞五王亦取日虞景  
無終耀何如房嶺雲長抱扶桑曉

○送客南歸分韻得作字

我有芰荷衣山中舊時作一爲幽燕客風塵長漠  
漠三襲在中笥冠帶就束縛君歸塵正清君去衣  
無薄願言持似君清風動岩壑

送魯景你次韻

故園有嘉竹來日委榛荆滄波日夕流誰復濯清

纓作客殊無賴逢秋更有情  
薊門逢魯子肝膽向人傾  
先世有遺策豈足干城風  
塵暗天地孤劍爲誰明  
慷慨還山去相羊終其生  
望之不可卽孤鴻雲外鳴

病中別鄭子啓範之上海

五首

古道何悠悠行人亦瀟瀟  
客子復南征中夜戒行  
李人生無羽翼安得日千里  
車輪恨不方馬足一  
何駛倏忽塵濛濛豈忍空佇企  
况茲伏衾枕郊亭  
不可履側聞車馬鳴惆悵何能已  
起步環中庭長  
風日莫起恍有麟駉聲送入離人耳

郊居詩抄

卷之一

十二

其二

無力送君行臨門爲我別  
應憐憔悴顏語我丹丘  
訣語畢出門去音稀跡亦滅  
念此病轉深愁腸生  
百結飛鴻向江南團扇辭秋節  
翱翔羨爾遊棄捐  
復何說鴻歸自有期  
扇棄待炎熱物理豈能常  
所貴無終絕願言保交情  
勿以中道輟

其三

相送且不忍况乃坐相失  
殷勤話岐路一息抵一

日脉脉臥空齋更覺秋陽疾尋思去後言種種未能畢試問送行人遊子行或尼臨行亦何言來此慰蕭瑟

其四

與子理絲桐曲節頗同妙子今操南音我猶歌北調我我復洋洋敢謂知者少臨風試揮奏餘音轉孤悄

其五

子有蒼龍劍芒劔何烈烈把拂秋風前群峰隨指撥丈夫志有期豈爲徒然別鳳凰巢高枝鷓明食其潔吳松繁華地錦綺恣森列素絲獨冲冲無使緇塵涅

壬戌秋讀林侍御潤安閩疏喜而紀之二

十韻

柯維騏

海疆昔無虞擊壤自怡悅老來事多違烏寇歲侵軼茲春歷夏秋愈覺勢撤烈邑中鷄犬村盡化豺虎穴殺人積如山溝渠日流血逃者屋廬焚贖者膏髓竭耕夫與紅女生生望已絕萬口紛哀鳴半

菽不得啜怨咨干天和只恐無遺子柱史賈生儔  
感時倍嗚咽力振此邦人一疏陳曲折寬通兼飭  
兵

當宁嘆割切人謂今司徒如古稷與尚將無善調  
停徵需罷騷屑司馬文且武兩省曾授鉞部曲協  
壯猷百戰靖全粵旦夕閩父老壺漿候旌節竚望  
陽春回枯木再萌蘖河漢天上來洗却氛祲滅無  
勞握粟卜解我心鬱結

○ 避難

入省作三十韻

癸亥正月廿日

郊居詩抄

卷之一

古一

樹伐巢亦傾城破家何有吾家殆千指縋垣各散  
走東方猶未明問途歷巖數人煙迥蕭索曰餓直  
至酉天寒假一宿温存賴野叟逢人詢妻孥仙邑  
乃聚首永福數日程愈覺嶺路陟隔林猿狖啼別  
壑蛟螭吼跋涉非不艱所幸脫虎口會府寧復虞  
聊藉托衰朽黠虜冬及春尚聞勢紛糾萬戶皆瓦  
礫四野盡根莠零落桑與梓凄然念父母重憶諸  
縉紳繆繫何太乂責賂殊楚毒或炮亦或掇寂恨  
觸鋒刃郭憲邦壽考休王公名叅政鳳陳子賢太

守策橫尸猶亂麻他日辨誰某誦彼黃鳥篇安得  
贖良友我輩丁喪亂不先復不後大抵關人謀豈  
云值陽九自虜少懲創村落灰踐蹂請觀四肢殘  
能保腹心否城中况告急如溺望引手軍門游與  
督府劉兵事誰掣肘封疆各有司不獨任其咎  
側席圖更絃無乃勞

元后合仗

廟堂謨庶以殄群醜我邦會再造流徙歸隴畝預  
貸茅堂資言尋鹿門耦

郊居詩抄

卷之一

五

○ 塙上老農相慰勸飲

陳大珊

行田逢老農揚壘譙高柳問余何憔悴久客豈乏  
酒人生貴自適功名終何有君本林壑姿似非經  
濟手誤落樊籠中毛羽損已久幸茲謝羈鞅筋骨  
未衰朽海濱事耕耘畏途脫奔走志士務食力素  
餐亦何取縱浪乾坤內痛飲君能否解簑拉余坐  
折柳簪余首奉杯每激昂開懷不離口一杯復一  
杯不覺日入酉涼風飄飄來掀髯衣露肘笑言答  
景光不飲亦可醜真率動人意羲皇有此叟沉醉

那得辭取醴更爲壽夜深天宇高侑歌振林藪相  
送澤邊歸縱橫動星斗

喜雨四十韻

康大和

嘉靖辛丑年大旱焦下土 皇帝切憂惶臣隣懷  
靡盬五月越戊申薄暮天乃雨維時聞旄倪喜氣  
騰眉宇問之喜何爲欲語聲如縷云自數年來黎  
民失哺乳往歲幸頗登疲瘵猶告瘡賦役困煩苛  
催科罕字撫去冬逮今夏愆陽肆毒蠱二麥絕生  
成百室無庾釜草根與木葉掇拾充肺腑死者竟  
何辜輾轉難俱數生者亦流離骨肉憐太苦旱氣  
旣蘊隆 昊天猶赫怒九廟遭震驚回祿延堂廡  
河流且斷竭糧餉困澤鹵上下思皇皇重罹此罪  
吾禱祀索神祇齊居聯簪組奏鼓訟蜚廉望雲勤  
祝史展玉與迎牲匆匆誰敢侮閭闔竟窈冥雩壇  
空僂俯鞭雷術亦窮焚巫事非古天漢澹復光初  
日翳還吐神柳聚眩黎額號竟何補積誠徹玄旻  
龍德忽施普飛霧捲旃旌隱雷震鼉鼓蒼狗恣悠  
揚商羊頻鼓舞終宵雨不停平地水爲許天聽高

而卑神功大且溥禾黍發畦田蔬菜生園圃百貨  
不踊騰四民俱按堵巷咏滂士農途歌雜工賈困  
者日以甦病者日以愈宇宙得重清天日真再觀  
爲語爾旄倪神功誰所取我 皇德格天我民喜  
有怙立政在勤民敬天在法 祖雲漢與桑林卓  
哉商周伍載歌天保章永立蒸民主

贈蕭山令施欽甫之任

黃廷用

我愛許詢氏築室憑芳林超迹絕塵網蕭然區外  
心因之名此山睠懷欲登臨有友揚天惠奉身重  
郊居詩抄 卷之一 十七

南金逖爲神明宰時鳴綠綺琴孤蹤未云歇欵睨  
白雲岑何當垂湛露永遺棠樹陰鸞鳳一棲止青  
山何古今所貴崇令譽安論浮與沉

平原題易太守卷

余一鵬

石壁嵐光

神斧揮雲母當空開翠屏卷舒成展綺點染如列  
星往來皆法象朝暮何定形愛此晴光別終日坐  
山扃

大田耕叟

繞溪如鱗次平疇交數頰簑笠煙霞俱身世羲皇  
并只見桑麻陰寧有鷄犬警夜來風雨多晨興發  
深省

竹園月色

無地棲紅埃有園皆碧琅搖風開寶鑑篩玉漏晴  
光煙消鸞解舞天遠雪成蒼夜清坐無寐興與水  
雲長

喜陽和捷至和繁峙壁間韻

黃洪毗

郊居詩抄

卷之一

十一

春寒草還枯胡騎候新月言從滴水厓戈戟紛白  
雪悲笳作秋聲戰哭多新骨桓桓漢將軍旄頭坐  
銷滅奏凱入明光露布頒金闕行續出車篇燕喜  
待明發

集瞻壺亭懷鄭五

林應采

有美鄭大夫開軒客如赴雲海互盤旋松篁發韶  
護憶昔同冥棲風雨亦屢晤伊人驅驂騶岩藪焉  
能固我來對南山恍惚睹瓊樹相思重相思夢繞  
長安路長安夸少年邂逅肝膽吐結交防險巖曾

以娥眉妬大道直如弦誰能緬矩步願言保令名  
終始行其素

遊仙曲

林萬潮

噫嘻駕鳳驂螭建蜺旌載雲旗允志四極游情二  
儀夜發崑崙圃朝戾銀河湄詔祝融以司蹕戒豐  
隆使前馳清都旬始宛相映飛策鳴鑿隨所之天  
風蓬蓬渡弱水真朋森森集瑤池文鸞祥鵠矯翼  
以竝運星娥月姊振珮而群嬉脩脩細啖金母蟠  
桃實僊僊倒吸玉帝珊瑚卮

郊吾詩抄

卷之二

十九

草堂雜興二首

陳所有

畏人成小築作書招道侶箕踞坐西林露頂避溽  
暑山間無佳味蔬羹與蕨黍酒酣聞扣門葛巾不  
知處

閉門初謝客寂寞遂成癖竹窓促織聲藤床鼯鼠  
跡靜觀花底鳥不羨搏風翮寄言朝市者慎莫嘲  
尚白

三山別汪伯玉開府歸莆

鄭東白

吁嗟天網垂陽九邁茲危亡命日銷魂依人愴落

魄長離繫樊籠馱馱困衡軛君侯敦夙心追歡自  
疇昔授粲及妻孥出疆導郵驛在貴多易交而君  
終莫逆寧知狐白溫猶念無衣客何以銘恩私永  
言托金石

秋日訪烏石林翁

黃謙

新秋風正清躡躡東山塢偶逢烏石翁邀我造衡  
宇留懽忘主賓薦食出棗脯自言年七十眼經

皇帝五桑田幾變遷浮雲倏散聚金谷起寒灰胥  
臺走鹿麋大運靡有常宰官難專主吾老性復蚩

郊居詩抄

卷之一

十一

生不跡公府散質慙榘楠托根謝斤斧皇皇諸貴  
卿非不雄且武鍛羽緣翡翠喪元惜鸚鵡矯哉伯

陽公猶龍不可撫至人抱玄機昧者安足數茲道

向誰言與君攄肺腑我本迷途人早歲嬰世罟搖

筆泣楚臣擬騷讓漁父感翁今日言令我蓬心剖

春濤吹雪山雷門奏天鼓冷然醒心口豁焉開矐

瞽乃知郊廟犧多被文繡苦何如東海鯤垂天振

高羽長揖謝世間與翁結儔伍挾弩遊三山大魚

焉敢怒

送虞文滢博士

自君爲隱吏振鐸弄煙水天壺二三月處處開桃李  
童冠切迫趨車徒忽遠徙君才元不羈廓落豈  
小伎千金輕土苴片言傾生死雄飛難與儔騰驥  
深自喜不逢九方生其誰識綠駟神駿寧因轅文  
鶴暫棲枳藍關天一隅雪消路如砥小驛野梅香  
孤城暮煙紫我我素王宮鬱鬱松杉裏展廟聆朱  
絃登歌薦芳芷時命或卷舒人文無遐邇圖南萬  
里程君行從此始

郊居詩抄

卷之一

廿一

初秋集東麓

方萬有

端居鬱煩蒸逍遙出北郭商飈夕迴翔秋宇晨霽  
廓挈我金石友解裾坐松閣鳴泉瀉洄渠歸雲擁  
華薄近林聿葱菁遠矚迤嶽嶸傳杯遵曲池捫蘿  
探窮壑嘯弄凌煙霏談讌入廣莫曠哉豁幽悰喟  
然慨今昨來者自匪今往者弗可作序運忽推遷  
濛汜靡停泊俛仰遽廬間臨觴且盡酌

江郎

翁夢鯉

昔聞江郎山亭亭天表立今日見江郎三峰何鬼

岌不知造化初斧鑿爲誰執削成元氣中擢出東  
南邑雲飛常在趾鳥舉何嗟及上復有天池池花  
芳相襲烈日如火焚寒湫洒雨急停車一延眺蒼  
翠更堪挹仰止米元公振衣效拜揖緬懷方外蹤  
安事樊籠繫飄飄陟其巔雙袖煙霞入俯視三萬  
丈捫天疑一級僊人爲我來金光時共拾至道或  
余聞丹砂亦余給所憾乏僊風踟躕百感集行行  
向路塵懷哉賦斯什

北堂鳩瑞爲陶文學節母題

昌應時

郊居詩抄

卷之一

十一

君家漢水西結屋風雨庇籍籍徐孝廉一夕白鳩  
至其如湛氏心况復士行思獨抱此終始聲應亦  
其類堂北乳新雛形影長相倚不謂含泥勞也解  
反哺意春深雛始鳴短簷拂羽翅日出暮復歸同  
依不相離悠悠若水濱渺渺漁洪陂講席蘇湖同  
煙波楚越異堂高鳩在無遐思未應已

題東臯圖贈林南寧一丈

鄭茂

夙抱立中想寤言寄適軸披圖何杳靄如在東山  
麓翠磴峙霄撐朱萸映脩竹遠樹綠於薺長江瀉

如瀑鍾梵隱微松風生謾謾乳竇湧丹泉夫鷄  
叫若木居然隔塵甍無麴對濛濛所以素心人皎  
皎在空谷短佩掇金光長鏡斲黃獨海月高臨軒  
山雲低度屋沆瀣既可餐蘭茝亦堪服看君顏渥  
丹矯如龍象蹴已向關門隱何須季主卜我有步  
兵厨濁醪三百斛持以當瓊漿起舞爲君祝終期  
汗漫遊標枝隨野鹿仰視少微星炯炯照南陸

兩度石山驛抵利國監已漏下十刻忽覩

朗月引盃獨酌漫成

郊居詩抄

卷之一

五十一

侵曉發彭城驟雨濕危旌河流何漭漭石路何嶮  
嶮宿潦間新溜輕陰閣晚晴我僕旣已痛我馬悲  
且鳴當軒稅征駕皓月掛前楹群動皆已息萬籟  
靜無營而我何爲者觸暑事宵征生年幾半百俯  
仰百無成玄鬢嗟已改髀肉空自驚悵然念儔侶  
獨坐對長檠

感歎篇

林文豪

家有荆山璧本爲世上珍早歲曾干楚當年亦入  
秦燕石時旣貴至寶失其真斗米悞拆腰南金愧

許身一投嶺海荒幸荷天地仁時集青衿子  
白馬津雄文慕雕龍苦節甘懸鶉結思期不朽鉤  
深入無垠居然吏隱適遑恤賓戲頻談吐傾四座  
咄嗟陋等倫乃遘青蠅營放之七澤濱湘江不可  
涉長沙非我鄰縱設穆生醴何如張翰尊於馬製  
芰荷言歸托松筠故園餘芳菽高堂有老親爰速  
二仲來豈憂一瓢貧楸枰藉佳樹釣舟泛綠蘋親  
朋拉卜夜沉醉且連旬豈獨高陽徒庶幾寫天民  
吹劍倚崆峒銜杯問蒼旻天帝向我言至人無屈  
不湮願言保令節歲寒素所敦

郊居詩抄

卷之一

廿三

九華山值雨

黃天全

杪夏登黃山霧雨霏瓢笠初秋登白岳澄霽彌旬  
日天都眉睫間浮丘殊莫逆九華稱名山仰止自  
宿昔乘興一躋攀復與風雨值何論九九峰東厓  
迷只尺老僧笑而言山高雨時集峰巒且百里衝  
泥寧可陟丈人亦已疲禪房聊一息絕巘有天池  
疇隴饒黍稷倘懷出世心此景良足適周游會有

期斲輟登危屐

初夏於途中懷汪司馬公 二首

弱植慕恬曠散髮江之湄  
火旻况隆熾皇皇將安  
在天都有至人穆穆難  
可窺何必懷千古揚馬良  
在茲憶昔從之游差得  
望津涯睽隔忽四載朝夕  
繫余思

明聖胥股肱卒業常苦遲  
庶幾以求益驅馳詎云  
疲

遙遙事行役僕僕還自嗤  
齒落髮種種身隱何文

郊居詩抄

卷之一

十四

爲叔季薄逢掖巢由彼一時  
胡不潛巖壑而乃遵  
路岐平生負志意濡翰耻  
卑卑周行不可值遲暮  
將安歸鬱紆與誰語延首  
惟鍾期黃山何寥廓願  
言凌風飛

送劉志孚十五丈

陳昂

君爾幽棲者胡爲事遠遊  
偶懷司馬興遂解狎鳧  
舟雲去七閩渺天開五老  
浮銜杯倚日脚躍馬陟  
山頭禽鳥報春及林光夾  
道周一瞻衡岳色二月  
洞庭流鼓角華夷壯江山  
今古愁夢思宋玉宅搖

落屈原立惜爾不同代伊人已千秋放歌銷日月  
談劍失曹劉坐浪神逾穩看山賦應稠乃知文藻  
艷亦向海天收蹇予本同調懷君獨凭樓加餐萬  
里外歸棹莫淹留

寄鄭景仲

方元洪

鄭生抱沈疴講德殊不廢稍長攻文詞時時走流  
輩雲月有餘姿煙濤出奇態數奇步履躡開軒俯  
前埭桂樹何青青秋蘭以爲佩濁酒携所知悲歌  
獨慷慨明時不可違盛年不可再豈爲巢許徒纏  
郊居詩抄 卷之二 五十一

題望雲圖

壺山臥雲洞

陳憲副故隱處也其  
令子堯勳作望雲圖

馬朝龍

壺山有層曲下矚滄海浮大隱謝朝市巢居晚更  
幽山中足佳賞孤往宜清秋清秋多白雲日夕澹  
相求托跡豈云眇頽陽良足侔一朝練五石伯仲  
見浮丘螭龍不可挽白雲空悠悠盼望愴情志因

之雙睇流

未生歌有引

游日益

嘉靖乙卯歲至辛酉歲倭奴入寇莆中大肆荼  
毒四郊之外將無噍類至壬戌歲城陷慘不可  
道御史林公潤疏請蠲租發賑遺黎稍拯殘喘  
通判陳永者督編戶口偽增民數以媚上人至  
立夢生望生未生之虛名登之版籍遺民飲恨  
無所控予臥病山中聞之孤憤作此以紀時事  
云

郊居詩抄

卷之二

其一

烈火焚未熄黃雲愁極目東市嘆零丁西村慘誅  
戮崇墉卒不完萬馬城中牧白骨亂如麻乘鎗遮  
道哭糗糲不及食掩脛無完服梓澤盡丘墟臺史  
重顰蹙三疏瀆天朝春風生槁木別駕揚軍威  
里甲供兵穀儲賦以爲常盈虛亂增續戶下唯寡  
妻自曰愁拘逐有夫陣中亡有子遺在腹亡者名  
未除胎者復上牘胥魁詭我名未生年十六朝來  
實版圖暮來派錢穀終歲餉官兵夫家遭魚肉從  
令誓不供其柰多鞭朴胤子若無生此身願溝瀆

野夫聞嘆息對此淚盈掬落日掩空扉聊作未生  
曲

郊居詩抄卷之一

郊居詩抄

卷之一

共一



郊居詩抄卷之二

七言古詩

觀蔡忠惠墨蹟

方時舉

宋朝書法誰第一端明蔡公妙無敵百年遺蹟落  
人間片紙猶爲人愛惜公書方整入法俱荔譜茶  
錄絕代無當時石刻今已少况復筆蹟真璠璵此  
書飄逸尤絕品風度不殊僧智永粉牋剝落神氣  
全夜夜虹光穿藻井蔡公乃是莆名臣慶曆四諫  
才無倫堂堂事業在青史詞翰聊以娛心神公今  
九原不可作三復遺編淚交落荒祠華表倚空山  
月明定有歸來鶴

沉香亭

陳觀

咸陽宮殿凌紫清珠簾翠幕春冥冥太平天子歡  
未足內園別作沉香亭沉香迢迢隔海水輪奐何  
時來萬里亭成馥郁消京華椒桂無顏蘭蕙死東  
風淡蕩雲瞳矇遲遲步輦隨六龍葡萄出甕琥珀  
瑩牡丹倚檻臙脂濃詞臣獻辭有深意觚稜月上  
君王醉妖風一起草木腥沉香應落長安市君不



見古來聖主稱陶唐土階三尺茅茨長

讀陳忠肅公傳有感

柯潛

胡塵捲風天地黑胡騎長驅滿南北崖山孤主知  
存亡一夜愁心頭偏白丈夫恥作負恩生舉手擎  
天天已傾孤城如斗猶百戰蒼蒼不遣勳功成龍  
虎可騎不可擾怒氣吹人山亦倒君臣大義心自  
明白日青天懸皎皎嶺海間關草樹寒四顧無人  
空淚彈國破家亡惟一死首陽有薇那忍餐節義  
文章埋不爛萬丈虹光燭霄漢我懷往事悲復歌

郊居詩抄

卷之二

二一

獵獵天風鬢絲亂

山水圖爲兵部郎中王恕題

玉堂清暑春風前焚香看畫皆神仙畫中風物得  
真意峰巒隱約生雲煙大山如龍欲飛去小山盤  
盤如虎踞奔流一道破山來散作濤聲滿江樹遠  
村微茫三兩家古渡無人橫斷槎近村茅屋蔭榆  
柳門前沃土饒桑麻別有高亭向洲渚斜日蒲簾  
水禽語滄波浩浩欲吞天蜃氣昏昏欲成雨初疑  
匡廬山下落星灣文似洞庭湖上之君山瓊宮貝

闕倚霄漢無乃蓬萊方丈非人間我生慣識山中  
樂隨意雲樓與山閣故鄉一別今十年石洞梅花  
幾開落臨圖忽憶舊遊踪便欲沿溪上丘壑此身  
留滯未應歸回首江天雲漠漠

古塚行

陳鉞

昔人此塚初成日春雨栽碑土花碧清明歲歲粒  
親朋醜酒割羊酌苔石一朝無主漸榛荆隙地猶  
付居人畊陵遷谷變作城邑千門萬戶皆朱甍古  
苗學宮在高處桃李成陰聯玉樹宮前數仞夫子

郊居詩抄

卷之二

三

墻墻下誰知古人墓地中神物難久埋清宵變化  
乘風雷怒濤捲地墓門裂石碑斷落銅棺摧可憐  
枯骨已成土沙瘞金釵留半股甕甌古雅明如玉  
寶鏡無光苔色古呼童磨洗尋紀年背無款識飛  
鸞旋嗟爾英雄九泉隔滔逝水無回源古來荒  
塚狐兔穴此塚今爲蛟龍得狂夫感慨悲復歌歌  
罷淒風淚沾臆百年有酒且啣杯莫待後來人嘆  
息

赤龍歌

周瑛

赤龍攬海海水渾巨鱗細鱗亂紛紛大風播蕩幾  
寒暑餘腥猶自滿江潰上帝聞之發震怒不使淫  
威徧下土飛符直取赤龍歸投彼遐荒禦豺虎春  
雲布滿東南隅踈踈密密雨聲徐桑麻蔽野鷄犬  
靜遙聞擊壤歌唐虞

臨汝書院成次潘水部見贈韻

大冶鑠物搏陰陽青春去我何堂堂西偏小構亦  
頗良不施黜聖橫白朶捲簾正對五羊岡樹木拂  
簷交青蒼祥煙紫氣相迴翔坐令白日迷晶光文

郊居詩校

卷之二

四一

采淵彪來省郎爲我藝苑芟穢荒鏗然制作稱大  
方利背長距獨擅場嗟予苦學未成章點綴犧尊  
青與黃六經窟穴漱餘香拍拍春意覺滿腔與君  
對織雲錦裳著向風前聊徜徉欲驂麟鳳游帝鄉  
又笑目眩心未忘小吏抱牘來蒼皇謂耽文字頗  
有妨廣陸無車川無梁出門萬里道路長使君局  
面宜更張

讀宋丞相陳忠肅公傳有感用先輩柯竹

巖韻

林俊

朔風吹沙白晝黑王孫天南復天北山河破碎幾  
時收馬頭生角烏頭白宮門銅駝荆棘生陸沉海  
覆天爲傾謀臣漫浪失大計三京之復成未成蜀  
漢江淮日雲擾閩浙雷崩廣風倒孤城獨手容支  
持志決身殲日皦皦感粟秋高胡月寒眼枯有血  
城上彈精魂一付乾坤老骨肉任飽烏鳶餐南山  
飼牛白石爛畎畝遙心重江漢徹桑隙穴備陰晴  
板板蒼天誰念亂

遊廬山用謫僊韻

郊居詩抄

卷之二

五

白老真人胸中壑與丘醉揮鐵如意擊碎白玉  
樓祝融黃鵠不入眼挿羽飛上匡廬遊九真五老  
置兩傍紫霄華蓋遙開張挿天雙劍騰晶光瀑布  
直瀉千丈長晴虹架海秋爲梁丹崖錦嶂紛相望  
蓮花閃爍石耳蒼朝嵐暮靄送日月寺落松子如  
松長我欲濯髮天池間御以赤虬時往還鐵船乘  
月載美酒一日看盡江南山突兀四僊亭香爐紫  
煙發百年幾日胡不遊舜蹠彭殤共澌没火色鳶  
肩無宦情綠荷小製衣初成薜荔墻歌茅屋古一

封情懇陳上京歸去木蘭弄煙水長歌一曲滄浪  
清

送方介卿知台州

天台仙人已塵土天台桃源今有無洞口春風昨  
夜夢赤城霞氣開畫圖遡風踏雲吾何有今日天  
台落君手丹砂許服誰敢爭珍重蒼生一杯酒才  
名太守人中仙紫綬金章當盛年清冰萬丈出丹  
壑古來事業看無前峴碑今尚在乎泉已易主君  
心卽我心脉脉不得語停君酒聽我歌其如江花  
江月何後天而老不可得且復長嘯攀煙蘿年華  
一流水今古同過客他時上我木蘭船一絲共下  
千尋碧

寄少司馬山齋

我今幾意山雲宿右半偏枯守床褥異書經眼意  
茫如神衰祇見年華促故林殘葉霜已黃閒庭細  
草煙還綠往時意氣此安在海內交遊多鬼錄憶  
昨新朝特起時耆老仙班共華躅獨公風力倍  
強壯偉抱雄材心更屬廷尉應推戴胄前本兵直

擬姚崇續醴酒不設良自知江上分飛兩鴻鵠公  
今水石開綠野我亦桑棗依杜曲何如強健咏昇  
平飽飯著書了完局

端硯用后山韻

刷絲舊失奎房器黃眼黑眉紛俗贅虛中起拜卽  
墨侯王質金聲才實備虬蟠隱約羅星斗玄津滯  
咽煙霞氣文章重柄拔殊尤詔書夜下採訪使蒲  
輪從役走萬卒西坑上巖若平地最後斧柯得真  
本竒寶迷藏方命世同時客卿白刺史遭際晚不

郊居詩抄

卷之二

七一

交一睡元銳中峰美少年嚴冷粗能識風致香酥  
水髓潤精血火齊懸黎落時貴酬工翔涌不作難  
十家一飽中人費石走江翻雷電繞及到啾啾聞  
鬼異靈丘合有神明護茲事須煩博物志銅雀人  
間多事土浪竊浮名潔清惠高低鵠眼豈石病六  
一春秋含至意勿輕投費屬長公貯月發雲書佛

偈

獨不見

鄭瑗

東飛伯勞西飛燕我所思兮獨不見歲云暮矣多

霜霰日月推遷玄髮變犖犖處郭誰與鄰高山無  
溪河無津車鞿鞿馬駢駢車馬蹤橫遍城闈獨不  
見意中人

東巖禱雨題林寒谷山水障子

鄭岳

松壇禱雨東巖宿日餐蔬笋斷梁肉我心憚暑慘  
不舒獨據蒼崖蔭林木寒翁知我厭氛埃爲索丹  
青貽巨幅披圖細玩思杳然偃蹇雙松翳雲壑中  
有一叟頎而長琴書瀟灑從二僕蘄州䟽篔疊平

郊居詩抄

卷之二

蕪短檻高雲聊寓目綸巾羽扇風飄飄瘦骨清容  
肖寒谷寒翁寒翁風節竒結芰紉蘭好奇服歷官  
中外四十年拂袖歸來書幾簾豐年妻子尚苦饑  
况兹亢旱田盡曝稻梁一飽不自謀猶爲蒼生淚  
盈掬古來賢達類如此杜老秋風賦茅屋吾社安  
可無是翁東野雲龍每相逐

池亭招會

吳希由

山城十月天氣寒老體重裘倦登涉小亭不受朔  
風吹座中溫煖如繡挾櫻桃亭外弄小春數點枝

頭間疎葉黃花爛熳短籬東幽香遙襲遊人袷共  
言此景不可孤酒盃到手莫停接醉來疑是羲皇  
人七老白鬚映紅頰世事紛紛總無憑分明一夢  
莊周蝶

懷往雜咏二首

林大輅

漁梁槎頭縮項鱸鴨綠浮觴漢水前鹿門夜歸孟  
浩然蘿月梧雲清可憐龐公幽隱若栖禪千載人  
疑漢帝年司馬名流水鑑懸伏龍鳳雛同稱賢陳  
迹冥茫凌蒼煙搖落還聞啼杜鵑倒著接離休問  
郊居詩抄 卷之二 九

天桑田海水寄冥緣

高陽酒徒酈食其春風日醉楊花枝有山不登奚  
嘔奇有酒不飲空支離潭紅鮮留釣絲鳴鐘考  
鼓習家池鑿齒逡巡劉魏時漢晉春秋事却疑季  
倫行樂誰不知胡訝巨源非譽兒層臺何與後人  
思市朝田野風塵遺

回舟過澧州呈涪崖李公言別

愁霖五月如悲秋廣甸舟車問俗遊眼中川陸誰  
記憶客裡韶華獨隱憂昨日朗州歸興發沅江層

濤島嶼沒回首武陵清可携繁陰條露天心月荒  
荒皜皜殊足憐瓦爐檀屑輕浮煙懷古時歌吊屈  
賦長沙意氣燈花前南國江山祇如昔召伯循行  
亦今日湘蘭沅芷幾春秋楚些莊吟激胸臆明時  
竊祿貪天功十年鬻旅湖西東青萍離垢星辰上  
白簡行春風雪中二女祠前西郭外官舟隨流疾  
於馬涔崖我師離別情玄圃赤城夢瀟灑

與筆峰贈別

朱澗

昨日迎君南山南今日送君北山北五日十日留

郊居詩抄

卷之二

六

使車千山萬山動行色二十峩冠登漢朝三十金  
帶光橫腰四十煌煌將使節柏臺薇省揚清標只  
今年華未五十精神意氣誰能及揮鞭躍馬蒼梧  
來萬里咫尺風煙開黃金臺前拜天子傾倒盡交  
天下士文章器業時共珍丈夫特達有如此我忝  
清朝法從臣摧頽鮒轍一窮鱗生還北闕誰將引  
老去他山空復春城市山林各所遇坎止流行無  
定據世途詰曲多波瀾丘壑寬閒足雲樹新霽嵐  
光路不分欲別未別心氤氳執手何由表情素剖

贈山中一片雲

中麓山人歌贈李大夫

王鳳靈

山人舊作山中客，俯仰乾坤看長白。長白山高連日觀，女郎不及山之半。幽逕斜通薜荔深，迴林簇立雲煙亂。白雲盡處見蓮峰，越望秦觀迥不同。鶴池晴作雨，龍洞倒生風。飛湍直下九千尺，大清小清浸空碧。岝峒原陸勢縈紆，鄭谷草堂今在無。其中乃有謫仙之幽宅，孝子之敝廬。一丘容獨臥，萬卷讀遺書。龍光夜射斗牛墟，山人胡爲愁索居。夜半風生飛雨蓋，恠底群仙不相待。黃石爛爛照孤幢，直上岱宗呼真宰。赤城霞起色連天，扶桑日運波翻海。光天隅海望皇圖，蒼生何意未全蘇。致君不在堯舜上，匹夫弗獲誰之辜。吾聞西海一老魯，國一儒數言定作天子計。吾非斯人與誰徒，山人幡然乘雲車。上排閭闔凌天衢，袖中卷治安書。期與斯世躋黃虞，明堂清廟疇所須。群材斷度隨公輸，吁嗟乎山人且莫懷爾都。中山之麓白雲湖，古來魚水君臣遇。隆中空憶臥龍處。

春雪歌送顧武祥之南

燕京二月猶飛雪，蜃氣濛濛化城闕。簷前宛轉舞  
回風，戶外虛明映微月。巡簷倚戶望霏霏，寧知雨  
化濕人衣。六出幾曾驚歲莫，五稜今始識天機。九  
十春光將及半，江湖冰雪知已泮。聞君欲汎雪中  
舟，雪意離情共凌亂。却憶當年王子猷，山陰孤棹  
訪交遊。握手與君偶，相媚何當別。我忘綢繆海內  
賢，豪應不數東吳文學稱。諸顧江情海思君，莫羈  
王色金聲誰不慕。南國銓賢屬俊才，故園春色近  
郊居詩抄  
人卷之二  
五

三台芳草偏尋麋鹿苑，輕帆笑指鳳凰臺。壯遊汗  
漫三千里，處處揚花如雪起。儻憶燕京對雪時，新  
詩不惜酬知己。

泗水舟中讀忠節許公行實錄敬題長句

男兒生來七尺軀，焉用草木同朽腐。父生終盡百  
年期，得死垂名滿千古。自古來死烈鬼魂雄，顏色晶  
熒咸可覩。我今及見許忠節，百拜英風讀遺譜。憂  
時數語令人悲，扼腕無言首容頰。臨難之詞凜生  
氣，眼背欲裂毛髮豎。孤燈炯炯照清江，暗風浙浙

吹寒雨中州光岳集精靈挺出真才異三五挾策  
匡時志不違民殘政圯時方蠱劉齊劇盜起燕畿  
躡邑屠城遍齊魯公時試宰樂陵原日夕連營與  
賊拒爲民效死繕孤城約令嚴明整戎伍城內高  
垣逕容騎賊來伏發多爲擄少年智勇冠諸軍憲  
府威名振揚武再戰再捷竟追奔列郡諸州皆按  
堵功成東國勒碑銘節轉西江看砥柱嗚乎當日  
權奸事寵賂滋章難盡數逆藩姦漸履冰霜肘腋  
私交成毛羽已將衛甲棄辛峰誰惜民膏餉饒虎  
翦盜深謀未及庸潢池競入逋逃府東南半壁天  
垂傾公也一木能撐柱一朝倉卒弄兵戈三司繫  
縛如奴虜問之許使爾何言曰刀則刀斧則斧正  
色揚詞神不移赤心疇敢事二主汝能殺我

帝殺汝群賊聞之亦栗股同時並烈有孫公相携

就義俱無懼惠民門外黯雙魂白日無光炎炎午

死將忠赤愬穹旻氣作風雲助行部賊兵夜半出

江城番易湖靛飛艫艫吉顛王師動地來十萬就

擒惟一鼓洪都底定氛氣清天日昭明復初睹忠

肝義膽照人心國人真如喪父祖爲公縞素哭靈  
車爲公廟祀崇江滸 聖朝悼典叙彝倫褒忠大  
謚光寰宇錄遺延世錫侯封贈秩治瑩竝台輔昔  
日降臣綸與鵬牽頭曳足斷腰腑穢名終代汗青  
編朽骨無人付黃土嗚乎二公死忠一何榮二囚  
死賊一何苦忠賊由來判天淵生死何曾異門戶  
欲生欲義須吏間卓哉二公審所取百千萬祀耿  
長存敬作歌辭吊申甫

淮陽歌贈李子中

來居詩抄

卷之二

古

大梁有豪客飛思入煙霞手持白玉龍高照扶桑  
桐有時呼吸黃河流翻於筆底見東注行歌日滿  
錦囊戕擲地常作金聲賦盛時彬彬美文質爾國  
崆峒好聲律由來同系謫仙門早歲相携優入室  
名成獨扣 天王闔志屈竟淹吏部秩十年削迹  
東海陬漢水吳江滙清泌蛟龍雲雨遶青霄騏驎  
風塵走白日雖然拓落困鱗毛自覺凡蟲絕儔匹  
嗟余南海一鄙人度長豈數萬分一遨遊偶得間  
清塵登第尤慚溷高帙同聲正自擬填篋求好願

言固膠漆人生歡會不可常世路多岐轉相失麗  
日輕颺花色明揚鞭驅馬去何疾願君少立淮陽  
馬知余別淚何從灑韓侯睥睨少年兒曾於此地  
伏其下英雄失路絕可憐况乃不爲韓侯者少年  
少年今若何虎兕當郊麟在野吁嗟乎虎兕當郊  
麟在野

烏山歌呈同社

柯維騏

莆城三鎮

烏山梅峰鳳山

誰最雄烏山東峙凌顛穹位枕

玄冥氣塊北下臨萬井生春融鶴林盤紆鳥道仄

知居詩抄

卷之二

五

峭壑或有蛟龍宅厓石平連織女機空香不散彌

摩室暎郭蒼壺帶穀城雙溪匯流素練縈遠村近

村不差平海門樹色煙冥冥乾坤此境豈天造赤

縣虛疑隔蓬島廣成何必棲崆峒李白無勞夢天

姥山人漫著歸來篇杜門裹藥年復年仙翁遺我

雙玉舄雲岑霞嶺特攀緣今辰何辰靈雨霽出日

遲遲衆景麗未試丹砂海上方已覺神清骨欲脫

破除萬事酒一椀倚花藉草歌徘徊管領物華屬

我輩愛汝風流陶謝才

題王世昌繪竹林七賢圖

陳自然

王生巧作七賢圖，鳳標龍采人。人殊恍若輕世，  
白眼氣酣耳熱，顏皆朱炎。天赤日下，幽谷白雲蒼  
江生寒玉，科頭岬幘。午風前藉草談天，意自足乾  
坤爲雲。我爲龍人，世相將杯酒。中山河邈，若不可  
作。黃公壚頭空寂寞，王生丹青會有神片時貌出。  
千秋人茅堂一展生，綉幅涼雲片片下青竹。

贈別楊汀州

鄭東白

與君相逢自疇昔，竝轡連鑣長安陌。白雲明月西

郊君詩抄

卷之二

十六

臺遊縱飲酣歌，高陽客何意蹤跡。分西東，反覆波  
瀾如轉蓬。君能剖竹分銅虎，我已抽簪隨冥鴻。山  
中桂樹春能綠，海上停雲情轉促。鱗鴻不見書幾  
行，夢寐徒令腸九曲。夢寐鱗鴻何足猜，天時人事  
真堪哀。羨爾長嘯能孤往，憐余無家歸去來。今朝  
鼓棹山陰道，邂逅相逢非草草。別離惆悵十年多，  
我今流離君且老。荷君知己更知音，意氣感激深  
復深。明朝分手扁舟去，雲樹茫茫何處尋。

寒食行

寒食杜陵花灼灼西風一夜揚花落郊原芳草自  
青青暮雨瀟瀟春寂寞北邙山下多古墳重泉慟  
哭不相聞有酒澆土誰能飲山前山後空白雲白  
雲歲歲青山度鏡裏朱顏嗟非故糟丘百丈君可  
登夸父逐日徒自悞

東遊篇贈黃亨夫宰宣城

方輿邦

黃子東遊別帝京欲行不行驄馬鳴帝京九衢春  
日麗河水流澌春水生憶昨同遊我與君手携東  
書排金門自余臥病向江左燕山越山愁白雲故

郊居詩抄

卷之二

七

人盡是新相知君情如山終不移以茲感歎謝舊  
遊與汝意氣如連枝羨汝年纔三十強朱顏白晢  
清且揚揮毫作賦登明光一麾銅墨今爲郎爲郎  
乃在山城裏十萬征徭三百里莫言百里非賢路  
千載榮名從此起玄暉李白俱沉淪文藻江山竟  
誰是君不見九關戎馬暗西都三門築城烏夜呼  
將軍金印大如斗四郊瘡痍猶未蘇璽書分道催  
田租賈生憂國胡爲乎天子方勤西北顧諸君  
誰爲東南圖繭絲保障定何如五陵佳氣無時無

汝今乘舟河之陽吳楚山川阻且長千里寧親爲  
令子綠袍赤紱生輝光敬亭山頭古木疎麻川北  
流多鯉魚但將膂力報 明主不恨烹魚不見書

百花洲歌贈宗子相

長鯨噴浪波撼空割然元氣開鴻濛大江東走東  
海東廣陵秋濤衝白虹君家百花洲恍惚似與大  
江通君不見昔日揚州全盛時蒼蘆瓊花千萬枝  
天摧地缺老君死蒼莽之間誰識此帝遣六丁移  
上紫宮去東皇不作艷陽主夜半化爲雙玉龍龍

郊居詩

卷之二

八

鱗散入芳洲樹芳洲花樹堆紫煙花底銀河瀉九  
天芙蓉十丈藕如船三江七澤根鈎連赤如赤城  
霞白如白壁鮮赤霞白壁燿相照蒼兕咆哮齧鼉  
嘯房櫳綺錯鈎珊瑚葱龍八面驚蓬壺仰天擊缶  
呼烏烏鬼門四照胡爲乎有時雷雨中天起香風  
撒雲九萬里月白煙啼露華泣一夕染盡江南紫  
二十四橋十二樓至今不敢開桃李嗟君豈是此  
花身淮海維揚一俊人詩成費盡長安紙瓊芳破

碎如有神何時淬此雙龍之寶劍與君脫屣辭紅

塵提携天吳訴天帝扶桑珠樹摧爲新不然爲君  
倒曳百花洲盡使長江之水西北流天門九重迴  
龍轡手把芙蓉控仙驥

大享省中齊居懷黃亨夫在宣城

城頭擊鼓欲三更鹿麕對眠鶴齋鳴攬衣起視河  
漢淺三三五五星參橫長槐蕭疎影在地廣堂寂  
寂殘燈明此時君王朝泰清蘭燈九微輝繡楹  
金鐘玉磬和且平玄極寶殿春風生長齊蘇晉緣  
何事悵然空憶謝宣城

齊居詩抄

卷之二

九

讌張祠部宅聽葛祐彈箏卽席漫興

北風吹沙日色黃祠官大夫開華堂秦箏齊瑟匝  
廣座教坊媚子排兩行就中白哲祐最少問之年  
纔二七強兩髦垂肩目炯炯自云姓葛真渺茫手  
揮朱絃撥玉柱轉喉按節聲鏗鏘近來色部苦供  
應二十一色鬚眉蒼豈無一二雅歌者大半占籍  
歸侯王不逢知音竟零落世俗誰辯宮與商洪章  
已死尹明老去年頗說劉賓好生憎劉賓忽憔悴  
轉見葛祐開懷抱東家勸酒西家怨王儒李節俱

歷倒于嗟世故久低昂誰爲此輩推擅場對客擊  
節劉膳部當筵睥睨陳祠郎吳公推食宋公喜坐  
令么麼有輝光人生知名總如此紛紛車馬空昂  
藏惟有金門東方朔白眼不顧稱剛腸

壺山高

癸亥年

陳應魁

壺山高溟海深海枯石爛無知音我欲騎龍向天  
去天中歷歷白榆樹我有所思誰與論自少學道  
四十春世事反覆一杯水人情那羨五侯門牀前  
道書堆滿案壁魚歲久五色爛我因感歎排冥筌

郊居詩

卷之二

二十

飄然脫屣遊名山人人不知我此意桃花春水壺  
中天古人白骨易枯朽獨向青山開戶牖時來共  
訪安期生多少煙雲落吾手臥雲洞壺公山白雲  
與我棲其間萬仞丹梯未易攀窅然誰與身心閒  
天上牢籠一甲子人間局促愁容顏草花不言自  
然改白雲無心失所在子晉山頭坐吹笙洪厓拍  
手遙相待壺公山上多種花衆人不到壺公家陵  
谷不知幾回變空中仍篩粉豆麻此身墮落塵劫  
間了然自謂蓬萊遠人生何必盛貴遊青草堆於

黃金產壺山高有所思我今長揖世人辭乃知世上勞生苦莫向風前吹鬢絲

白頭吟

黃謙

試停綠綺琴聽我白頭吟憶昔春光二八時鴻情  
鴛思催佳期瓊樓曉日花如錦繡戶東風柳似絲  
平明駕車登長路來到君門春未暮恍然相見轉  
相憐招手洞房表情慙玉簫翠管鳳飛飛金蓮寶  
炬星輝輝沉香薰入流蘇帳海月影窺翡翠幃銅  
壺聲落層霄外三唱金鷄夜向艾夢餘驚散巫峰

郊居詩抄

卷之二

廿

雲起攬羅襦結香帶三五明星高在天斜輝猶照  
鏡臺前蛾眉細掃青山濕蟬鬢遙分碧草煙香奩  
粧罷日初現隔窓半吐芙蓉面凌波緩屣步畫廊  
笑倚朱欄聽鶯囀此時聽鶯執君袖此時憑欄握  
君手君情憐妾豈芳年妾意侍君同白首東皇何  
事太無情一夜西樓風雨聲燕辭故壘餘香土花  
落殘紅冷翠屏花容難得春常好妾身安能長自  
保昔時綵繡如明珠今日摧殘同衰草衰草明珠  
勢轉分君恩恰似秋空雲出門不忍遽離別盈盈

雙筋垂羅裙象床豹枕嗟何任比翼連枝今不再  
回首歡娛一夢中總把新愁酬舊愛長信宮中秋  
色陰青團匣裏紫埃深自古紅顏不可恃請君聽  
我白頭吟

雙龍篇贈塗任齋參藩朝京

雙龍自天蟠海底昔者緯象今者水神物宰之必  
至人張雷去後屬誰是青城真仙受赤符口啣玄  
珠遊方隅粵山欽崙雲海濶帝敕此物爲前驅芙  
蓉閔爍雙照手七七星文墜北斗斷蛟剝象輕燎  
郊居詩抄二卷之三  
廿一  
毛楔偷撓捨同揮帚高秋帝出幸崑崙仙乎佩以  
叩天門天門玉女歌且舞階前雷公亂奏鼓帝命  
按罪醢二奴闔者安敢逞其怒長鯨吹波紛若絮  
仙不歸來吾何據天吳海若久曠司慎莫隨龍乘  
雲去

贈黃全州

黃始居黃石  
鎮後徙仙谿

越王臺上秋雲碧與君同作鹿鳴客當特馬上顏  
渥丹今日風前鬢生白多君行年向七十矯若雲  
鴻騰雙翮棄綬飄然從赤松受符早已居黃石置

身仙都山復山鐵鎖千尋路險艱白虎當關麟守  
鑰我往窺之不敢攀天門紫氣日氤氳我在下界  
空憶君山中歲晚何所有贈汝壺天一片雲

送鄭廉訪赴闕

方萬有

東風綠遍西湖柳處處鳴嚶聲求友伏枕芳辰春  
欲稀忽漫花前置別酒花前別酒一分寬聞君振  
珮向長安朱符驄馬外臺使青瑣先朝舊諫官  
憶昔與君同入侍華陽館前看意氣君策高足定  
要津予也踈狂世所棄浮沉岐路既異趨何意故

郊居詩抄

卷之三

廿

里共歡娛終知巨棟還廊廟寧令壯志阻江湖六  
年葺茅臥煙島每得新詩吟向我悠然佳興見南  
山相逢時把金樽倒山中歲月轉堪憐九重丹  
詔獨徵賢臺省薦書聞屢上須君一慰蒼生懸乘  
時羽翼風雲會濟世勲名日月邊也知漢閣經綸  
日還憶湖山嘯傲年

延曦堂歌爲柴定宇憲副壽母賦

赤波萬里湧金輪閃爍照曜當青春離離三山海  
中出昕昕六合俄鮮新晴光朝射蓬萊殿金母初

赴瑤池宴霓旌直倚彤雲開絳節斜連碧漢絢鸞  
歌鳳舞樂未大回瞻紅旭拂扶桑披萼敷榮明翠  
珮流輝垂景臨華觴臨華觴一何爛蘭臺壽母長  
生旦元君親捧紫瑤編北堂高接千秋觀堂中春  
色映仙桃堂前萊彩豔宮袍朝升暮矚翔且翺願  
駐六轡聽雲璈我聞羲和帝者妃甘泉浴日孕靈  
暉鬱華仙人隨日御朱顏不假黃金鑄美哉大夫  
崇斯堂心誠愛日兼傾陽蚤歲簪筆侍玉皇扶翊  
當陽宣重光祇今秉鉞滄海甸燭龍啣精照遐荒  
雲邊親導板輿度花下相將海日長負暄野人何  
所祝君恩母壽日俱昌

遊羅浮歌

戴科

郊居詩抄

卷之三

七四一

我生性癖耽幽竒三天五嶽信所之脚着雙雙阮  
孚屐壺公竹杖化龍騎浮楂眇眇沿何宿萬逕千  
峰跨白鹿賣藥會逢東海翁徘徊天路披雲服十  
洲欲作千年游夢寐長於海上求未向蓬萊窮絕  
島先從南越問羅浮朱明洞接青霞谷玉女蝦蟆  
互起伏瑤石瓊泉臨道旁游人一見駭心目麻姑

獅巖花如緋萬木夕  
六  
秋草蕪沿山路險

青藜扶我欲高飛  
天風爲我開蘿徑  
明月爲我照石磴  
乘月鞭風連夜登  
飛雲頂上寄真興  
編茅枕石雲中眠  
吸露食霞拂曙煙  
日出扶桑夜未徹  
清光先射此山巔  
憑虛尺五隣天闕  
欲往扣之意超忽  
誰道仙階不可升  
我身輕矯豈九骨  
朝來暮去寧知頻  
兩腋生風捷有神  
手指一杯滄海小  
萬山孰敢鬪嶙峋  
朗吟飛度黃龍洞  
遙見石樓勢欲動  
試向樓中吹玉簫  
翩翩引下雙青鳳  
誰開精舍山

郊居詩抄

卷之二

廿五

之前俎豆千秋屬  
五賢僞漢離宮俱  
泯滅伊人物色尚  
昂然潺湲飛瀑環  
岡阜九折十盤出  
洞口洞口萬千青  
石堆中間無數藏  
瓊玖鉢孟峰轉東  
南馳千尺水簾白  
日垂載拭蒼苔邀  
客坐流杯行酒宴  
瑤池層岩疊障凌  
霄漢絕壁留題尚  
燦爛長嘯中天山  
谷搖青鸞白鶴喜  
相喚乘風徙倚梅  
花村忽憶師雄醉  
綠樽薄暮朝雲空  
聚散啁啾翠羽斷  
人魂五色雀向我  
躍呼山童爲採藥  
丹竈前扣稚川雙  
飛燕學鮑仙四百  
峰頭高拍手歡呼  
同祝南

山壽劉阮天台定足圖王喬何處復飛鳧逍遙洞  
壑春秋富九轉丹成閑藥爐倏忽人間幾晦朔誰  
離時聽鈞天樂曲終且別此山靈杖履還應訪五  
嶽

遊吳山吳中舊治程半江來訪酌之西湖

蕭竒勳

憶昔俠遊來吳越不愛囊錢愛結客千金寶劍五  
花驄胡姬酒樓輕一擲當年賓從何者儔左列沈  
宋右曹劉一斗百篇那足數和歌擊筑興悠悠爾  
郊居詩抄 卷之二 十九  
時岍幘據上座百觴酩酊直欲眠糟丘自從客散  
孟嘗門素書滿東不復論故人纏綿意如昨驅馳  
風雨來相存予也落魄尋仙遊五嶽君抱高才豈  
隱淪相携且泛西湖舸山色湖光真婀娜對景傾  
壘醉卽休世上虛名殊么麼

遊武夷

真宰何年闢混沌八柱森森列巨巘北數泰華西  
崆峒崑崙屹立空中建海上三山知有無縹緲群  
真集閬苑東南勝絕稱武夷玄洞碧巖足棲偃憶

從漢武創仙壇神仙往往來滄溟聞道魏彭翺鐵  
嶂復傳太姥燕幔亭迴合千峰青滴滴潺湲一水  
碧泠泠搜竒剔怪舟車輟遊遨何以答山靈有客  
金門方朔儔偷桃被謫下瀛洲大隱市朝經幾載  
酣歌長嘯貌王侯翛然拂袖謝羈紲逍遙訪道憇  
丹丘繚此名山多宿契每到題詩在上頭朝旭步  
登六六峰夕陽遊遍三三曲恍疑鍾呂現瑤臺忽  
覩瓊瑛倚紅玉山上翩躚玄鶴飛山下白雲滿崖  
谷騰雲駕鶴會有時請君看取天台錄

郊居詩

卷之一

七

雲中行送郭叔中使代藩

鄭茂

我昔揚旌凌紫塞西遊上谷出雲代漢將初成破  
虜功單于却走陰山背代王宮裏飛紫煙端禮門  
前振玄珮歸來荏苒歲復秋匣中寶劍聲啾啾曉  
夢猶懸青海月壯心長憶籌邊樓君今振羽駕華  
轂我亦臨風思故遊憶自高皇初奠紀宗藩鼎  
立培豐芑宣雲薊北亘遼陽谷代寧遼森竝峙歷  
世昇平二百春遼王遠向瀟湘徙谷王已殂寧王  
墟惟有代藩世受祉河山帶礪仰神堯奕葉忠勲

佐 聖朝明明 天子更惇睦咨汝夕郎下九霄  
分茅胙土恩寵渥天潢積慶自迢迢君行停車且  
問俗邇來邊患何太酷龍堆烽火接玉林歲歲輸  
金且輦粟輦粟不聞士馬嬉輸金那見倉儲足滄  
海漏卮真可憐燕然勒頌誰爲續請君蚤獻平胡  
書坐令天驕歎塞曲

壯遊篇送林繼顯制科使廣右兼省覲

玉珂鳴騶裏芳草藉離筵百粵渺何處群山桂樹  
連使君且莫發聽我壯遊篇伊昔蕭齋初偃息夢  
遊蓬島凌八極手攀若木聽天鷄足躡方壺跨鵬  
翼朝來聞君遠于邁使我壯心浩莫抑君昨馬上  
初看花綠袍意氣春風賒姓字甫看聯玉筍星軺  
復爾泛仙槎長樂鍾聲催去馬蘆溝月色照清野  
遙從上黨出朝歌更向澤國瀟湘下武陵溪上望  
桃源屈子潭邊薦芳芷衡嶽高登七十峰桂林遠  
涉八千里題詩到處滿脩竹使節煌煌耀南紀君  
家世德久流芳青紫蟬聯笏滿床尊公昔日官方  
嶽令弟今爲司寇郎庭前寶樹儼成列白髮慈闈

壽且康到家初筵酒應熟綵衣晝錦踰稱觴風塵  
四海正瀕洞宵吁九重思豪俊駢駟牡早歸來  
莫戀松蘿滯歸軛

題程氏八老圖

林民止

我聞崑崙之山高接天西隔弱水迥雲煙閭風萬  
里迴群仙又聞員海十洲杳無際突兀洪濤千丈  
起黃金爲闕王爲城中有真人通九氣王子托之  
吹玉簫祖龍欲跨不成橋帛書纒大無乃是穆天  
八駿何飄遙古稱仙聖俱不死丘塚纍纍盡誰子

物華過眼皆成空昨日之事今日已自來三十六  
萬八千歲中間存者無一二期天地不殺物不生陰  
陽代謝固其理我愛程氏八先生伯仲如龍相後  
先兩鬢蒼蒼氣勃勃興來一飲倒百川問之世事  
口不答手持蟹螯弄白日是時三帝正掄材八老  
稱爲酒中客神農虞夏忽已往何似當年杯中物  
嗚乎神仙不可接機變不可設亦知抱甕汲不如  
桔槔力彭韓既俎醢上蔡復誰待魯戈終難揮夸  
校亦不再那得弟兄垂白相追携北窓一局不知

日月東復西

看劍篇

黃天全

平生勞勞磨一劍清宵掣動奔雷電塵埃漠漠星  
斗蒙縱有光芒人不見華鋒飛景售當年塵城擊  
市皆稱健疇憐棄捐有湛盧薛燭寥寥慙自獻鳴  
乎寶物之售豈有常時來閃鑠輝岩廊所貴精爽  
勿摧滅沈瘞亦能衝青蒼丈夫出處付大運懷寶  
何必重悲傷君不見兩生不行四皓起惠皇初政  
無足紀乃知再譽歸潔身草草功名反蒙恥又不  
見李漢顏子牛醫兒南陽臥龍天下奇伯始文若  
祇傳笑齷齪餘子誰則知長嘯一聲返衫服真意  
從來在空谷漢庭將相正調和洛陽少年空慟哭

江行

林兆誥

孤舟日欲曛倚棹向江濱忽然幽谷裏鍾聲和白  
雲白雲漂渺不可攀翠微流水何潺潺長林落葉  
向空舞一鳥翩翩江上還江上江聲還淒切行  
當之心斷絕北風凜凜霜煙飄舟子悲歌夜擊柝

吳山千重復萬重令人回首空嗚咽

